



Universitätsbibliothek Paderborn

Exemplorvm Libri Tres

Liber Secvndvs, Siue Exempla, In Septem Capitalivm Vitiorvm
Detestationem, Per Qvadragesimam, Anno M. DC. XLVI. narrata

Stengel, Georg

Ingolstadii, 1650

§. 3. Exempla iuste irascentium.

[urn:nbn:de:hbz:466:1-48186](#)

deuiat ira quæ sequitur, sed quæ antecedit rationem, cuius lumen impedit, non cernit. Obest ergo ita in fermento iacere; non obest rationis ductu incalescere. Quid enim mali est, si appetitus sensitius, contra vitia, ex regulâ atque ordine rationis, moueatur?

S. Gregor. l. 5.
Moral. c. 33.

Currandum summopere est, ait S. Gregorius, ne ira, quæ, ut instrumentum virtutis, assumitur, menti dominetur: ne quasi domina preeat, sed velut ancilla ad obsequium parata, à rationis tergo nunquam recedat.. Addit S. Thomas, etsi ab hac quoque ira, in executione actus, judicium rationis aliquo modo impediatur, non tamen tolli rectitudinem rationis: cùm virtuti non officiat, etiamsi, in executione eius, quod est à ratione deliberatū, deliberatio rationis intermittatur. Quemadmodum neque arti prodesset, immo actui illius impedimento eset, si, dum deberet agere, etiam de agendis deberet deliberare.

Deut. 32.

Denique etsi Dominus meritò dicat: *Mea est ultio*, non tamen id circa putandum est, illicitum esse homini omnem ultionis appetitum, solique Deo relinquendum. Tametsi enim malum est, appetere vindictam, ob malum illius, qui puniendus est; haud tamen malum, sed laude dignum est, appetere vindictam, ob correptionem vitiorum, ac bonam iustitiae conseruandum. In quod bonum etiam potest tendere appetitus sensitius; non quidem, prout *ira est fervor eius, qui circa cor est, sanguinis, vaporatione fellis, vel perturbatione fiens*, vt S. Damascenus ait; sed prout à ratione mouetur & regitur. Ita est *ira per zelum*, non *ira per vitium*, quæ sola excæcat. Immovindicta, quæ secundùm ordinem judicij fit, à Deo fit; cuius ministra est potestas, quæ punit. Quo pacto fit, vt adhuc ultio sit Dei, quæ fit, Deo dictante, & dante potestatem.

S. Iohann. Da-
mascen. lib. 2.
de fid. c. 16.

Rom. 13.

III.
EXEMPLA IV.
STE IRASCEN-
TIVM.

Exod. 16. 20.
Exod. 32. 19.
Leuit. 10. 6.
Num. 16. 15.
Num. 25. 7.

1. Sic iuste sancteque iratus est Moyses, contra eos, qui manna, non sine Dei diffidentia, seruauerunt in diem sequentem; & qui Ægyptio ritu vitulati, sacrilegè circa vitulum saltauerunt, quando proiecit de manu tabulas, & confregit eas, ad radicem montis; itemque contra Eleazar, & Ithamar filios Aaron, qui videbantur non seruasse, quod præceptu erat: & contra Core, Dathan, Abiron, & Hon rebellantes. 2. Sic zelo iusto exarsit Phinees, arreptoque pugione ingressus est ad scortatorem in lupanar, quem peccantem interfecit, & impiam voluptatem acerba morte finientem misit ad æternos cruciatus. 3. Sic Saule Davidem lancea percutere co-
nato,

nato, Surrexit Ionathas à mensa, in ira furoris, & non comedit, in die 1. Reg. 20. 34. calendarum secunda, panem. 4. Sic Nathan diuitem iniquum, &, in eo, ipsum Dauidem accusante, justissima iratus indignatione Da- 2. Reg. 12. 5. uid aduersus hominem illum nimis, dixit ad Nathan: *Venit Dominus, quoniam filius mortis est vir, qui hoc fecit.* 5. Sic vtique ira pia dixit Elias: *Zelo Zelatus sum pro Domino Deo exercituum, quia dereliquerunt paclum suum filij Israël: altaria tua destruxerunt, Prophetas tuos occiderunt gladio.* 6. Sie zelo bono Eliacim, Sobna & Ioahe, scissis vestibus, verba Rablacis nunciauerunt Ezechiae, & ipse rex Eze- Isa. 36. 22. &c chias scidit vestimenta sua, & obnolutus est sacerdotio, & intravit in dominum cap. 37. 1. Domini.. 7. Sic Ieremias iratus ait: *Cui loquar? & quem contestabor? ut audiat? ecce incircumcisae aures eorum, & audire non possunt: ecce verbum Domini factum est eis in opprobrium, & non suscipient illud. Idcirco furore Domini plenus sum, laboravi sustinens.* 8. Sic ipse Christus, cùm fecisset quasi flagellum de funiculis, omnes eiecit de templo, ones Ioan. 2. 15. quoque & bony, & numulariorum effudit as, & mensas subvertit. Unde & recordati sunt discipuli eius, quia scriptum est: *zelus domus tuae comedit me.* Quid multis opus est? De Numinis ira veteres Philosophi accuratè disputauerunt; & reprehensi sunt vehementer Epicuræi, quod dicerent, Deum ira non tangi. In diuinis sanè litteris luculentæ historiæ diuinam iram, vtique bonam & iustam descripserunt. Ibi, irato Deo, disluuium Mundo est inductum; orta lingua- Gen. 9. 17. rum confusio; Sodoma sulphureo igne in fumum versa; Pharaon, Gen. 11. 7. cum toto exercitu, post multas totius Ægypti plagas, quasi plum- Gen. 19. 24. bum submersus; sexcenta sunt exempla; & omnis poena hominis, Exod. 7. seqq. est ira Numinis. Si Numinis, ergo bona; quia in optimo nihil potest esse mali; nec quidquam in perfectissimo immoderati. Ipse Saul, cùm intellexisset, Ionatham paululum mellis, contra patris adiurationem præceptumque, etiam nescientem gustauisse, iustitiæ zelo exardescens dixit: *Hec faciat mihi Deus, & hec addat, quia morire morieris Ionatha.* Et ille Ionatha, qui, eo ipso tempore, fecit salutem magnam in Israël. Apud Ethnicos, par Romulo gloria L. Brutus, quia ille urbem, hic libertatem Romanam condidit: filios suos Tarquinij dominationem a se expulsam reducentes, summum imperium obtinens, comprehensos, proq[ue] tribunali virgis casos, & ad palum religatos, securi percuti iussit. Exuit patrem, ut Consulē ageret: orbusq[ue] vinere, quā publice:

R.

Val. Maxim. lib. 5. c. 8.

publica vindicta deesse maluit. Nec minus animosè A. Fulvius vir sentori ordinis, euntem in aciem filium retraxit, quām Scaurus è pralio fūgientem increpuit. Namq; iuuenem & ingenio, & litteris, & forma, inter aequales nitentem, prauo consilio amicitiam Catilina secutum, inq; castra eius, temerario impetu ruentem, medio itinere abstractum suppicio mortis affecit: prafatus, Non se Catilina illum aduersus patriam, sed patrie aduersus Catilinam genuisse. Laudantur hi justè irascentes, & quidem filijs suis irascentes; in quorum laude diuina quoque ira laudabilis inuenitur. Cur enim Deus filijs suis non irascatur, si sint degeneres? si patris disciplinam excutiant à se? si contemnunt amantem? Enim uero iratus fuit sāpe, sāpe eos castigauit. Deniq; populum illum, de quo dixit: *Ex ēgypto vocavi filium meum*, quia vidit Christo tam inimicum, & in Hierosolymitana clade, & usque ad hunc diem, quām varijs modis affixit? Nimirum ut ipse iustissima ira in refractarios animaduerit, ita vel exemplo vult etiam alios ad iram rationi consentaneam excitare. Sunt enim multi adeò sine bile, & ratione, ut omnia sinant usque deque ire, & nunquam irascentur, nisi quando alios vident iustissimam licet iram à se postulare, iram à ratione dictatam, à Numine mandatā; ab ipsis Ethnicis approbatam: dummodo in potestate habeatur, & ipsa non superet vincatque rationem. Potest enim facile degenerare, Cal. l.6. c.35. cùm Gallius Vibius vir magnæ eloquentiæ insaniam mentiens, quod assimilabat, ad verum redegerit. Subesse debet ira non präesse.

IV.
PARENTVM
NON IRA-
SCENTIVM
CVLPA.
1. Reg. 2. 22.

Vtinam hæc ira esset in omnibus parentibus, qui suos liberos nimia destruunt indulgentia, & vel omnino conniuent, vel nimis molliter irascuntur, quando audiunt, prolem suam exorbitare; quemadmodum Heli, qui erat senex valde, & audierat omnia, quæ faciebant filii sui vniuerso Israeli: & quo modo dormiebant cūrā mulieribus, qua obserabant ad ostium tabernaculi: & dixit eis: *Quare facitis res huiuscmodi? quas ego audio, res peñimas, ab omni populo?* Nolite, filii mei: non enim est bona fama, quam ego audio, ut transgredi faciat populum Domini. Si peccauerit vir in virum, placari ei potest Deus si autem in Dominum peccauerit vir, quis orabit pro eo? Vbi multa consideratione digna se se offerunt. 1. Non fuisse dubia filiorum criminia. 2. non fuisse exigua. 3. non fuisse pauca. 4. non fuisse occulta.